

縣知事及ヒ土木課長ノ設計宜キヲ得其功績偉大ト謂フヘシ而テ是レ亦
聖澤ノ普及スル所實ニ知ルヘキナリ村中相謀リ聊カ改修事業ノ經歷ヲ叙シテ石ニ
勒シ以テ後世子孫ニ傳ヘント欲スルト云爾

明治三十年十一月 丹羽政徳撰文并篆額

伊藤 馨書

第五節 上條新田開拓

明治十七年三月 新木津用水の分流なる上條新田用水を竣工した。

⑭ 上條新田開拓碑 (所在地 春日井市鳥居松町三丁目)



上條新田開拓碑

古人云排百難而萬利生吾嘗聞之今見之如愛知縣東春日井郡上條新田支渠是也此地乏灌溉之利所在唯荒原蕪地其田園不過十之一舊府之時一歲納租僅四十七石而已 大政復古萬緒維新民生仍舊明治九年更改租率而租額比舊三倍矣故闔邑窘窮人不安堵號叫請減租者前後不一再終或鳴鼓撞鐘召徒集黨相率請于郡于縣而官不容其請督租益急乃鬻屋典衣或行役傭賃以紓充其租人々愀苦无聊於是有志大憂之日夜焦思遂欲開一渠通灌溉以濟之謀諸四近各村頃之議漸決募金一千五百餘圓以從事開鑿不幸事未成而寢十二年二月始告官作閘與木津渠通亦工半而爲官所止蓋爲渠下諸邑所沮也邑民大窮不知所爲十五年一月有志復請以鑿渠事官憫其意使縣土木課長黑川治愿諭曰爾等能辦其費四千金者我任其責有志大悅曰使此渠克成則唯命惟從輒出金四千圓使舉村皆出就役不十旬竣工而渠身狹窄不得洽灌其田人々又憂苦乃欲更作大閘改修焉然其工費二萬餘圓業已頻年投資起工家々疲弊今又要巨資其不能辦亦可知矣雖然廢此舉乎不啻不得遂積年之志負債山積生計日窘百害蜂生灼々明矣於是相議者殆及二百餘場之多遂決以土田質錢而還邇豪戶無一之應者有志相目仰天長嘆退執耒乎田無水進鑿渠乎家無資於是具其情狀請哀于縣縣令國貞廉平君大嘉其銳意于水利又矜其屢起工不成民益陷于窮乏假呂金一萬圓令村民力役以充其餘資使黑川治愿董役於是邑人踊躍歡呼男女老幼翕然相率日夜服役十六年五月起工十七年三月竣役清泉混々不舍晝夜邑人欣々共樂爭挺身墾闢於是積年之石田忽變沃壤其得良田者寔二百餘町也嗚呼此渠也雖曰因維新文明之化抑非有志諸氏終始不屈排百難謀公利焉得能使寒村爲富邑令子々孫々永沐浴王化乎頃者邑人斷々相謂曰此渠而無記千歲之後誰有知其萬苦千辛遂令躋此樂土者耶來囑余文因述其梗概云明治二十八年十月廿有五日 黃檗山管長入唐杜多林 道永題額並撰文